

Autoridade Bancária e de Pagamentos de Timor-Leste
Banking and Payments Authority of Timor-Leste

Av. Bispo Medeiros, PO Box 59, Dili, Timor-Leste
Tel. No. (670) 3313718. Fax No. (670) 3313716

BPA Lança ba Dala Uluk Oficial Estatistika BdP Timor-Leste nian

Autoridade Bankaria no Pagamentos ba Timor-Leste (ABP) hanesan futuro Banko Central ba Timor-Leste estabelece tiha ona nia objectivo foun ida liu husi nia publikasaun official ba estatistika balanca de pagamentos (BdP) Timor-Leste nian ba dala uluk. Estatistika ne'e kobre tinan 2006 no 2007 no representa passo importante ida tan iha desenvolvimento base estatistika Timor-Leste nian. Estatitika BdP ne'e no korespondente dokumentasaun bele hetan acessu ona iha ABP nia website (hare iha www.bancocentral.tl).

Ministerio das Financas, tuir Lei Estatistika, oficialmente declara tiha ona Balanca de Pagamentos (BdP) hanesan parte official estatistika ida ba Timor-Leste, no entrega ba ABP hanesan compilador official ba kompilasauan estatistika BdP iha Timor-Leste.

Por definisaun BdP katak estaitmentu estatistika ida nebe sistimatikamente halo sumario, ba periodo de tempo nebe especifico, kona ba transaksoens ekonomika ba ekonomia ida ho resto do mundo. Dadus BdP nebe kompila husi ABP envolve em principio transaksoens hotu ho naun residente husi unidade residentes: ne'e inklui umakain (individual sira), empresas naun finanseira, bankus, autoridade monetaria, no governo.

BdP hanesan chave importante ida ba componentes estatistika macroeconomika nebe usa husi nasaun sira iha mundo para halo analisa ba ekonomia no formulaun politika. Especialmente, BdP sei bele usa atu halo analisa ba tendencia iha exportasaun no importasaun ba bens no servisus, rendimento, no transferensia ba no mai husi resto do mundo, no fluxo husi capital estrangeiros. BdP mos serve hanesan ligasaun no input ba estatistika macroeconomika sira seluk, partikularmente konta nacionais.

Esforsu husi ABP atu halao BdP komesa iha 2006, hetan suporta husi assistencia teknika mai husi Fundo Menetario International (FMI) nebe halao ho forma de visita badak dala hirak husi espertu estatistika BOP nian.

Ba futuro, ABP sei continua atu habelar no hadia liu tan estatistika sektor externo Timor-Leste nian. ABP hanoin atu kompila estatistika BdP trimestralmente no mos estatistika ba posisaun investimento international (IIP) atu halo medisaun ba nasaun nia stock husi assets no liabilities.

ABP hakarak agradece ba FMI no ba Governo Japaun nebe halo financiamento suporta programa assistencia teknika ne'e.

ABP mos hakarak hato' o nia apreciasaun ba entidade sira seluk nebe fo suporta no dados nebe importante tebes ba suksesu iha kompilasaun no publikasaun ba dados BdP nian ne'e.

Ba informasaun adisionál bele hetan husi:

Gastao de Sousa
Chefe Divisaun Economika no Estatistika,
Autoridade Bankária & Pagamentu Timor-Leste nian
Korreiu-Eletróniku: gastao.desousa@bancocentral.tl
Telefone: +(670) 3313718
Dili, 27 Novembru 2008

